

SAMOA

TULAFONO FAAFOE O FESOOTAIGA (TULAGA ALOAIA TAU TOMAI FAAPITOA I MEAFALUEGA TAU LEITIO MA FAAMAONIGA O LE TAUSISIA O TAIALA FAATULAGAINA) 2018

Faatulagaina o Aiaiga

VAEGA 1 FAATOMUAGA

1. Igoa puupuu ma le amataga
2. Faamatalaina o uiga o upu
3. Faaogāina

VAEGA 2 TAUSISIA O TULAGA ALOIA TAU TOMAI FAAPITOA TALAFEAGAI

4. O le tausisia o tulaga aloia tau tomai faapitoa

VAEGA 3 O TULAGA FAASAINA E FESOOTA I MEAFALUEGA E LĒ AUSIA TULAGA ALOIA

5. O le faasaina o le faaogā o meafaluega e lē ausia tulaga aloia

6. O le faasaina o le umia o meafaluega e lē ausia tulaga aloia
7. O le faasaina o le tuuina atu o meafaluega e lē ausia tulaga aloia
8. O le faia ma le mautinoa o se solitulafono

VAEGA 4 PEMITA MO MEAFALUEGA E LĒ AUSIA TULAGA ALOIA

9. E mafai e le Pule Faatonu ona tuuina atu pemitā
10. Tuutuuga o pemitā
11. Umi o le vaitaimi e faaogāina ai pemitā
12. Faalēogāina o se pemitā

VAEGA 5 O LE ALOIA O FAAMAONIGA O LE TAUSISIA O TULAGA ALOIA

- | | |
|---|--|
| 13. O le aloaia o faamaoniga o le tausisia o tulaga aloaia e avea ma faamaoniga o le ogatasi ma faatulagaga faapitoa talafeagai | 15. Talosaga mo lipoti po o faamatalaga tau suesuega |
| 14. Ia faaavanoa faamaumauga i le Pule Faatonu mo asiasiga | 16. Faatulagaga tau soloaiga |
| | 17. Faalēaogāina |
| | Faamatalaga |

E TUSA AI ma fuaiupu 8(1)(q) ma le 23 o le Tulafono o Fesootaiga 2005 (“o le Tulafono”), **O A’U, LEFAOALII UNUTOA AUJLUA-FONOTI**, o le Pule Faatonu, **UA OU FAIA AI** o Tulafono Faafoe nei:

FAIA i lenei aso 6 o Novema 2018.

.....
(Lefaoalii Unutoa Auelua-Fonoti)
PULE FAATONU

TULAFONO FAAFOE

**VAEGA 1
FAATOMUAGA**

1. Igoa puupuu ma le amataga-(1) E mafai ona taua nei Tulafono Faafoe o Tulafono Faafoe o Fesootaiga (Tulaga Aloaia Tau Tomai Faapitoa i Meafaigaluega Tau Leitio ma Faamaoniga o le Tausisia o Taiala Faatulagaina) 2018.

(2) O nei Tulafono Faafoe e amata faamamaluina i le aso e sainia ai e le Pule Faatonu (“o le aso e amata faamamaluina ai”).

2. Faamatalaina o uiga o upu - I totonu o nei Tulafono Faafaoe, ae vagana ai ua manaomia e le mataupu se isi uiga e ese ai:

“tulaga aloaia talafeagai” e faasino i meafaigaluega tau fesootaiga ua faamaoti i le faatulagaga i totonu o le Faamatalaga 1;

“faalapotopotoga tau iloiloga o le tausisia o taiala faatulagaina” o lona uiga o se fale suesue faapitoa po o se faalapotopotoga tau faamaoniga e faia faaiuga tuusao po o le lē tuusao foi e faapea ua faamalieina e se ituaiga o meafaigaluega tau fesootaiga o manaoga ua faamaotiina o le tasi (1) po o le sili atu foi o tulaga aloaia tau tomai faapitoa lea e fesootai i lea ituaiga o meafaigaluega;

“tagata o faaulufaleina mai meafaigaluega” e faasino i meafaigaluega tau fesootaiga na gaosia i fafo atu o Samoa, o lona uiga o se tagata, o ia lea ua ia faalulufale mai le meafaigaluega i totonu o Samoa;

“gaosia” e faasino i meafaigaluega tau fesootaiga, o lona uiga o le:

(a) gaosia i Samoa; po o

(b) le fetuunaiga na faia i le meafaigaluega i Samoa (tusa lava pe o lea meafaigaluega na gaosia i Samoa pe leai foi).

“tagata na gaosia” e faasino i meafaigaluega tau fesootaiga, o lona uiga o se tagata o ia lea:

(a) o lo o gaosia le meafaigaluega i Samoa; po o

(b) ua ia toe faia fetuunaiga i le meafaigaluega i Samoa (tusa lava pe o lea meafaigaluega na gaosia i Samoa pe leai foi).

“meafaigaluega e lē ausia tulaga aloaia” o lona uiga o se meafaigaluega tau fesootaiga ua faamaotiina e le o tausisia se tulaga aloaia talafeagai i le taimi na gaosia pe na faaulufale mai ai, i le a lava le tulaga e mafai ai;

“peau-ea tau leitio o aveuila malolosi tau eletise ma le maneta” o lona uiga o se peau-ea ua faamatuu ese atu mai le fetaulaiga o aveuila malolosi tau eletise ma le maneta e itiiti ifo i lo le 420 terahertz e aunoa ma taiala

faaaauu pea ua fausia, tusa lava pe na faamoemoe so o se tagata ina ia faatulai mai le faamatuu ese atu o lea peau-ea pe leai foi;

“faalapotopotoga tau faamaoniga ua aloaia” o lona uiga so o se tasi o faalapotopotoga ua faamaotiina i le Faamatalaga 2;

“meafaigaluega tau fesootaiga ua faamaotiina” o lona uiga o se meafaigaluega tau fesootaiga o se ituaiga ua faamaotiina i le laina 1 o le Faamatalaga 1;

“tuuina atu” e aofia ai le tuuina atu po o le toe tuuina atu o meafaigaluega tau fesootaiga e ala i le faatauina atu, faafesuiiai, lisi, totogi faalisi po o le faatauina mai faalisi ae totogi auauai;

“tagata e tuuina atu” e faasino i meafaigaluega tau fesootaiga o lona uiga:

(a) o le tagata e gaosia po o lē na te faaulufaleina mai le meafaigaluega; po o

(b) o se sooupu a le tagata e gaosia po o lē e faaulufaleina mai le meafaigaluega.

“aso faigaluega” o lona uiga o se aso e le o:

(a) se Aso Toonai po o se Aso Sa; po o

(b) se aso malolo mo tagata uma ua faamaotiina i, po o ua faalauiloaina e tusa ai ma le Tulafono o Aso Malolo mo Tagata Uma 2008.

3. Faaaogāina - E faaaogā Tulafono Faafoe nei i meafaigaluega tau fesootaiga e:

(a) faamatuu atu ai malosiaga o peau-ea tau leitio, ma ua manaomia mo faasalalauga tau leitio;

(b) gaosia i, po o ua faaulufaleina mai i Samoa mo galuega faatino po o le tuuina atu i Samoa; ma

(c) o se meafaigaluega lea ua faaaogāina i ai se tulaga aloaia talafeagai.

VAEGA 2
TAUSISIA O TULAGA ALOAIA
TAU TOMAI FAAPITOA TALAFEAGAI

4. O le tausisia o tulaga aloaia tau tomai faapitoa-(1) E ao i meafaigaluega tau fesootaiga ua faamaotiina i le taimi ua faapea ona gaosia ai i totonu o Samoa po o ua faaulufaleina mai ai, ona tausisia tulaga aloaia talafeagai ua faamamaluina i lea taimi.

(2) O le faaaogāina o meafaigaluega tau fesootaiga ua faamaotiina e tatau ona ogatasi ma taiala a le Komisi Faava o Malo Tau le Puipuiga Mai Aafiaga o Aveuila Malolosi Tau Eletise ma Maneta (ICNIRP) mo le faaitiitia o aafiaga o le fesuiaiga o tulaga tau eletise, maneta ma aveuila malolosi (e oo atu i le 300 GHz), Inisetiute o Tulaga Aloaia Tau Fesootaiga a Atunuu o Europa (ETSI), Iuni o Fesootaiga Faava o Malo o Fautuaga Tau Fesootaiga i Leitio (ITU-R.Rec) ma le Faalapotopotoga mo Fesootaiga ma Fautuaga (ITU-T.Rec).

(3) O se tagata o ia lea ua gaosia i Samoa po o ua faaulufaleina mai meafaigaluega tau fesootaiga ua faamaotiina, e fitoitonu i ai lo latou nofo silafia lelei o, ma le faamautinoaina o le tausisia o lomiga aupito lata mai o tulaga aloaia talafeagai.

VAEGA 3
O TULAGA FAASAINA E FESOOTAI I
MEFAIGALUEGA E LĒ AUSIA TULAGA ALOAIA

5. O le faasaina o le faaaogā o meafaigaluega e lē ausia tulaga aloaia-(1) E lē tatau i se tagata ona faamaite le faia o se peau-ea tau leitio o aveuila malolosi tau eletise ma le maneta, e faaaogāina ai se meafaigaluega tau fesootaiga o lo o ia iloa o se meafaigaluega e le o ausia tulaga aloaia.

(2) E le o solia e se tagata le tulafono faafoe laitiiti (1) e ala i lona faamaite ona faia o se peau-ea tau leitio o aveuila malolosi tau eletise ma le maneta e faaaogāina ai se meafaigaluega e le o ausia tulaga aloaia i le talitonuga mautu e faapea, o le peau-ea faamatuu atu po o le umia, sa talafeagai lea mo le faamoemoe o le:

- (a) puipuigamalu o le saogalemu o se vaa po o se vaalele ua i ai i se tulaga lamatia; po o
- (b) le faafoeina o se faalavelave tupu faafuasei e aafia ai se tulaga tau faamatau matuia i le siosiomaga; po o
- (c) le faafoeina o se faalavelave tupu faafuasei e aafia ai lamatiaga o le maliu o, po o ni manuaga i tagata; po o
- (d) le faafoeina o se faalavelave tupu faafuasei e aafia ai le lamatiaga matuia o le leiloloa o, po o le faatamaia ai, o meatotino, i se tulaga ogaoga.

(3) E le o solia e se tagata le tulafono faafoe laitiiti (1) e ala i lona faamaite ona faia le faamatau ese atu o se peau-ea tau leitio e faaaogāina ai se meafaigaluega e le o ausia tulaga aloaia pe afai ua ogatasi lona faaaogāina ma tuutuuga ma aiaiga o lo o i se pemitā na tuuina atu e le Pule Faatonu i lalo o le Tulafono Faafoe 9.

6. O le faasaina o le umia o meafaigaluega e lē ausia tulaga aloaia-(1) E lē tatau i se tagata ona ia umia mo le faamoemoe e faaaogā meafaigaluega tau fesootaiga ua ia iloa o meafaigaluega e le o ausia tulaga aloaia.

(2) E le o solia e se tagata le tulafono faafoe laitiiti (1) i lona umia lea o se meafaigaluega e le o ausia tulaga aloaia i le talitonuga i luga o ni mafuaaga tatau e faapea ua talafeagai lona umiaina, mo le faamoemoe ia:

- (a) malupuipua le saogalemu o se vaa po o se vaalele ua faapea ona i ai i se tulaga lamatia; po o
- (b) faafoe ai se faalavelave tupu faafuasei e aafia ai se faiga tau faamatau matuia i le siosiomaga; po o
- (c) faafoe ai se faalavelave tupu faafuasei e aafia ai se tulaga lamatia o le maliu ai o, po o ni manuaga i, tagata; po o
- (d) faafoe ai se faalavelave tupu faafuasei e aafia ai se lamatiaga matuia o le leiloloa ai o, po o le faaleagaina o meatotino.

(3) E le o solia e se tagata le tulafono faafoe laitiiti (1) e ala i lona umia o se meafaigaluega e le o ausia tulaga aloaia pe afai o lea meafaigaluega ua na o fafo atu o Samoa ua faamoemoe e faaaogāina ai.

(4) Mo faamoemoega o le tulafono faafoe laitiiti (3), o le faamatalaga molimau e faamaonia ai e faapea o le meafaigaluega e le o ausia tulaga aloaia, ua faamoemoe e na o fafo atu o Samoa e faaaogāina ai, e fitoitonu lea i le tagata o lo o ia umia lea meafaigaluega.

(5) E le o solia e se tagata le tulafono faafoe laitiiti (1) e ala i lona umia o se meafaigaluega e le o ausia tulaga aloaia pe afai o lo o ogatasi lona umiaina ma tuutuuga ma aiaiga o lo o i se pemita na tuuina atu e le Pule Faatonu i lalo o le Tulafono Faafoe 9.

(6) E aunoa ma le faatapulaaina, ua avea se tagata e faapea, mo faamoemoega o lenei tulafono faafoe laitiiti, ua ia umia meafaigaluega mo le faamoemoe e faaaogāina pe afai o lo o ia umia, e ese mai ai i lo le faamoemoe o le tuuina atu i se isi tagata ma e mafai ona faaaogāina e ala i lona faia, na o se tasi (1) po o le sili atu o galuega nei:

- (a) faapipiina o le meafaigaluega i se malosi tau eletise e ala i se palaka eletise po o isi sooga tau eletise;
- (b) faapipiina o se masini faaleotele leo i le meafaigaluega e ala i le suluina o se palaka o se masini faaleotele leo i totonu o le meafaigaluega;
- (c) ki ina ia ola le meafaigaluega;
- (d) ki ina ia ola so o se isi lava meafaigaluega ua talafeagai mo le faagaoioiga o le meafaigaluega;
- (e) fetuunai faatulagaga o i ai e ala i le fetuunaiga o ki, ki vilivili po o isi faiga e faatonutonu ai o lo o i le itu i fafo o le meafaigaluega;
- (f) faapipiina o le meafaigaluega i se anetena.

(7) O se faasinomaga i totonu o lenei Tulafono Faafoe i se tagata o ia umia le meafaigaluega tau fesootaiga, ua aofia ai se faasinomaga i le tagata ua i ai lea meafaigaluega i lalo o lana vaavaaiga lea meafaigaluega po o fea lava le nofoaga o i ai, tusa lava pe mo le faaaogāina po o se faamanuiaga mo lea tagata po o se isi tagata, ma e ui lava ina o lo o umia e se isi tagata po o ua i lalo o lana puipuigamalu le meafaigaluega.

7. O le faasaina o le tuuina atu o meafaigaluega e lē ausia tulaga aloaia-(1) E lē tatau i se tagata ona tuuina atu meafaigaluega tau fesootaiga ua ia iloa o se meafaigaluega e le o ausia tulaga aloaia.

(2) E le o solia e se tagata le tulafono faafoe laitiiti (1) i lona tuuina atu o se meafaigaluega e le o ausia tulaga aloaia pe afai:

- (a) e na o fafo atu o Samoa ua faamoemoe e faaaogāina ai lea meafaigaluega; po o
- (b) na faaulufaleina mai le meafaigaluega ma na tuuina atu e le tagata ma le faamoemoe ina ia toe auina atu i fafo.

(3) Mo faamoemoega o le tulafono faafoe laitiiti (2), o le faamatalaga molimau e faamaonia ai e fitoitonu lea i le tagata o ia umia le meafaigaluega.

8. O le faia ma le mautinoa o se solitulafono - Mo faamoemoega o le faamautuina o se soliga o Tulafono Faafoe 5, 6 po o le 7 pe afai, ua amanaia:

- (a) le mafai gafatia, poto masani, agavaa ma isi uiga lelei o se tagata;
- (b) o tulaga uma aliae mai o aafia ai i le soliga o tulafono faafoe ua tuuaia ai; ma
- (c) fautuaga tusinga na tuuina mai talu ai e le Pule Faatonu, e faapea o le meafaigaluega po o meafaigaluega o le ituaiga o lo o fesiligia, o se meafaigaluega e le o ausia tulaga aloaia,

ua tatau ai loa i le tagata i se tulaga talafeagai lelei ona ia iloa e faapea, o meafaigaluega tau fesootaiga ua faamaotiina ua fesiligia, o se meafaigaluega e le o ausia tulaga aloaia, ma ua faatatauina ai lea tagata e faapea sa ia iloa lelei o le meafaigaluega e le o ausia tulaga aloaia.

VAEGA 4

PEMITA MO MEAFAIGALUEGA E LĒ AUSIA TULAGA ALOAIA

9. E mafai e le Pule Faatonu ona tuuina atu pemita-(1) E mafai e se tagata ona talosaga i le Pule Faatonu, i se pepa faatumu ua faamaotiina e le Pule Faatonu, mo se pemita e faatagaina ai:

- (a) le umia o meafaigaluega e le o ausia tulaga aloaia; po o
- (b) le faia o se peau-ea tau leitio o aveuila tau eletise ma le maneta e faaaogāina ai se meafaigaluega e le o ausia tulaga aloaia; po o
- (c) o faatinoga ua taua i parakalafa uma e lua (a) ma le (b).

(2) E mafai e le Pule Faatonu, i se faiga tusitusia, ona tuuina atu i le tagata se pemita e faatagaina ai lea tagata, ma, pe afai ua faapea ona faamaotiina i le pemita, o lana sooupu:

- (a) o lo o ia umia, po o o lo o umia e a latou sooupu o meafaigaluega e le o ausia tulaga aloaia ua faamaotiina; po o
- (b) pe afai, ma seia vagana lava, pe afai, ua faapea ona faamaotiina mai i le pemita - ina ia faaaogā lea meafaigaluega e faia ai o peau-ea tau leitio o aveuila tau eletise ma maneta; po o
- (c) o faatinoga ua taua i parakalafa uma e lua o le (a) ma le (b).

(3) E aunoa ma le faatapulaaina, i le faia o se faaiuga pe tuuina atu se pemita, e mafai e le Pule Faatonu:

- (a) ona amanaia pe o le faamoemoe o lo o manaomia ai se pemita o se faamoemoe e fesootai i -
 - (i) aoaoga po o suesuega faapitoa;
 - (ii) faataitaiga o meafaigaluega; po o
 - (iii) le faalauiloina o le meafaigaluega;ma
- (b) e tatau ona amanaia le puipuiga o le soifua maloloina po o le saogalemu o tagata, o i latou ia -
 - (i) o faagaoioia meafaigaluega tau fesootaiga;
 - (ii) o galulue i meafaigaluega tau fesootaiga;
 - (iii) o faaaogāina auunaga ua tuuina atu e ala i meafaigaluega tau fesootaiga; po o
 - (iv) i se isi faiga e ese ai ua ono talafeagai ona aafia ai i le faagaoioiga o meafaigaluega tau fesootaiga.

(4) E mafai e le Pule Faatonu ona faatulaga ma faaee atu se totogifuapauina o le faagaoioiga o talosaga o pemita e tusa ai ma talosaga taitasi ua taulimaina.

(5) Afai e teena e le Pule Faatonu le tuuina atu o le pemita, e ao ia te ia ona tuuina atu i lea tagata se faasilasilaga tusitusia o lona teena ai o lea talosaga, faatasi ai ma se faamatalaga o mafuaaga.

10. Tuutuuga o pemita-(1) E noatia se pemita ua faamatuu atu e le Pule Faatonu i lalo o le Tulafono Faafoe 9 i tuutuuga nei:

- (a) o se tuutuuga e faapea o se tagata o ia lea ua faasino i ai le pemita e ao ona usitaia le Tulafono; ma
- (b) so o se isi lava tuutuuga lea e mafai e le Pule Faatonu i lana pule faitalia, ona faamaotiina i totonu o le pemita.

(2) E mafai e le Pule Faatonu, e ala i se faasilasilaga tusitusia ua tuuina atu i le tagata, o ia lea ua tuuina atu i ai le pemita ona:

- (a) faaee atu le tasi (1) po o le sili atu o nisi tuutuuga na mafua ai ona tuuina atu le pemita; po o
- (b) suia pe faalēaogāina o so o se tuutuuga -
 - (i) ua faaee atu i lalo o le tulafono faafoe laitiiti (2)(a); po o
 - (ii) ua faamaotiina i lalo o le tulafono faafoe laitiiti (1)(b).

11. Umi o le vaitaimi e faaogāina ai pemita-(1) E aloaia se pemita ua faamatuu atu e le Pule Faatonu i lalo o le Tulafono Faafoe 9 mai le aso na tuuina atu ai.

(2) O se pemita ua faatagaina ai peau-ea tau leitio o aveuila tau eletise ma le maneta e ao ona faamaoti ai le aso e muta ai le aogā.

12. Faalēaogāina o se pemita-(1) E mafai e le Pule Faatonu, e ala i se faasilasilaga tusitusia i le tagata e ana se pemita, ona faalēaogā lea pemita.

(2) O le faasilasilaga ua faia i lalo o le tulafono faafoe laitiiti (1) e ao ona tuuina atu ai mafuaaga mo le faalēaogāina o le pemita.

VAEGA 5
O LE ALOAIA O FAAMAONIGA
O LE TAUSISIA O TULAGA ALOAIA

13. O le aloaia o faamaoniga o le tausisia o tulaga aloaia e avea ma faamaoniga o le ogatasi ma faatulagaga faapitoa talafeagai-(1) E lē tatau ona faaaogāina meafaigaluega tau fesootaiga ua faamaotiina po o ua faaulufaleina mai i Samoa, seia vagana ua i ai i se faalapotopotoga tau faamaoniga ua aloaia o se meafaigaluega ua faamaonia lona tulaga o le tausisia o lea ituaiga meafaigaluega e pei ona tausisia ai o faatulagaga faapitoa talafeagai.

(2) A o lumanai ai le faaaogāina po o le faaulufaleina mai o meafaigaluega tau fesootaiga ua faamaotiina, e ao i le tagata o ia tuuina atu, mo tulaga aloaia talafeagai taitasi mo le meafaigaluega, ona faia se faamaumauga o vaega nei:

- (a) o lē na ia faatauina atu le meafaigaluega;
- (b) o le numera o le fausaga i le taimi nei mo le meafaigaluega ma, pe afai e talafeagai ai, so o se numera o fausaga e fesootai i le meafaigaluega;
- (c) faamatalaga molimau o faamaoniga o le tausisia o tulaga aloaia mai se faalapotopotoga tau faamaoniga ua aloaia lea sa faalagolago i ai le tagata o tuuina atu meafaigaluega mo faamoemoega o le tulafono faafoe laitiiti (1); ma
- (d) so o se faamaumauga aloaia a le tagata na faatauina atu, faatasi ai ma le meafaigaluega ua faapea ona faatulagaina ai faamatalaga faapitoa mo le faapipiina ma le faaaogāina sa'o o le meafaigaluega.

(3) E ao i le tagata o tuuina atu se meafaigaluega tau fesootaiga ona tausia faamaumauga ua faamaotiina i lalo o le tulafono faafoe laitiiti (2) mo le tolu (3) tausaga i le tuana'i ai ona taofia e le tagata o ia tuuina atu, le tuuina atu o lea meafaigaluega tau fesootaiga ua faamaotiina.

14. Ia faaavanoa faamaumauga i le Pule Faatonu mo asiasiga-(1) E ao ona faamautinoa e se tagata o tuuina atu meafaigaluega tau fesootaiga ua faamaotiina le tulaga e faapea,

ia avanoa faamaumauga ua tausia mo le Tulafono Faafae 13 po o le 16(1)(a) mo asiasiga a le Pule Faatonu i totonu o Samoa.

(2) E mafai e le Pule Faatonu, e ala i se faasilasilaga tusitusia ona talosaga i se tagata o ia tuuina atu meafaigaluega tau fesootaiga ua faamaotiina ina ia tuuina atu i le Pule Faatonu se ata o se vaega po o faamaumauga uma ua tausia mo faamoemoega o Tulafono Faafae 13 po o le 16(1)(a).

(3) E tatau i se tagata o tuuina atu meafaigaluega ina ua ia taulimaina se faasilasilaga na tuuina atu e le Pule Faatonu i lalo o le tulafono faafae laitiiti (2) ona usitaia o manaoga o le faasilasilaga i totonu o le taimi faatapulaaina, pe afai e i ai, ni manaoga ua faamaotiina i totonu o le faasilasilaga.

15. Talosaga mo lipoti po o faamatalaga tau suesuega-(1)

Afai e talitonu le Pule Faatonu e faapea o faamaumauga o meafaigaluega tau fesootaiga ua faamaotiina, o lo o tausia e se tagata o tuuina atu meafaigaluega tau fesootaiga mo faamoemoega o Tulafono Faafae 13 po o le 16(1)(a) ua le o tuuina atu ai faamatalaga molimau e atoatoa e faapea ai o lo o tausisia e meafaigaluega tulaga aloaia talafeagai taitasi, e mafai e le Pule Faatonu i se faiga tusitusia, ona tapa le tagata o tuuina atu meafaigaluega tau fesootaiga ina ia tuuina atu i le Pule Faatonu:

(a) se lipoti tau suesuega mai se faalapotopotoga tau iloiloga o tulaga o le tausisia ua aloaia e se tasi o faalapotopotoga tau faamaoniga ua aloaia o taua ai e faapea, o lo o tausisia e le meafaigaluega o tulaga o le aloaia talafeagai taitasi; po o

(b) se faamatalaga tusitusia mai se faalapotopotoga tau iloiloga o tulaga o le aloaia e se tasi o faalapotopotoga tau faamaoniga ua aloaia lea ua faamaonia ai e faapea, o lo o tausisia e le meafaigaluega le tasi (1) po o le sili atu o manaoga i se tulaga aloaia talafeagai.

(2) O se tagata o tuuina atu meafaigaluega ina ua ia taulimaina se talosaga mai le Pule Faatonu i lalo o le tulafono faafae laitiiti (1), e ao ona ia tausisia le talosaga i totonu o le 30 aso faigaluega mai le aso o le talosaga.

16. Faatulagaga tau soloaiga-(1) Afai sa tuuina atu meafaigaluega tau fesootaiga ua faamaotiina po o ua avanoa mo le tuuina atu a o lumanai ai le aso e amata faamamaluina ai, o le a tataui i le tagata o tuuina atu ia meafaigaluega ona:

(a) faia o se faamaumauga, mo tulaga aloaia talafeagai taitasi mo le meafaigaluega, i itu nei -

(i) le tagata na gaosia le meafaigaluega;

(ii) numera o le fausaga o faaaogā i le taimi nei mo le meafaigaluega, ma pe afai e talafeagai ai, so o se numera o fausaga e fesootai i ai mo le meafaigaluega; ma

(iii) faamatalaga molimau e faapea o sea meafaigaluega ua faamaonia lona tulaga aloaia o le tausisia e se faalapotopotoga tau faamaoniga ua aloaia; po o

(b) pe afai o le meafaigaluega o se meafaigaluega e le o ausia tulaga aloaia po o e le i faamaonia lona tulaga aloaia o le tausisia e se faalapotopotoga tau faamaoniga ua aloaia, ia talosaga i le Pule Faatonu mo se pemitā i lalo o le Tulafono Faafoe 9.

(2) O se tagata e tuuina atu meafaigaluega tau fesootaiga, o ia lea ua faasino i ai le tulafono faafoe laitiiti (1) e ao ona:

(a) faataunuaina manaoga o le tulafono faafoe laitiiti (1) i totonu o le 12 masina mai le aso na amata faamamaluina ai; ma

(b) ia tausia so o se faamaumauga ua saunia mo faamoemoega o le tulafono faafoe laitiiti (1)(a) mo le tolu (3) tausaga i le tuanai ai ona faamuta e le tagata o tuuina atu meafaigaluega tau fesootaiga, le tuuina atu o meafaigaluega tau fesootaiga ua faamaotiina lea e faasino i ai faamaumauga.

17. Faalēaogāina - Ua faalēaogāina le Poloaiga a le Pule Faatonu Numera 2011/02.

**FAAMATALAGA 1:
TULAGA FAATAATITIA TAU TOMAI FAAPITOA
O MEAFAIGALUEGA TAU FESOOTAIGA**

Laina 1	Laina 2	Laina 3	Laina4
Meafaigaluega tau fesootaiga	Faaaogaina Tatau o Fusi o Alaleo Tau Leitio	Fetaulaiga i le va o aveuila malolosi	Saogalemu
Fetaulaiga Tau Fesootaiga o Telefoni Feaveai			
Masini Autu mo Telefoni Feaveai & Masini e Toe Faaauau Atu ai Fesootaiga Tau Telefoni Feaveai (GSM)	ETSI EN 301 502 ETSI EN 300 609-4	ETSI EN 301 489-1 ETSI EN 301 489-8	IEC / EN 60950 IEC / EN 60215
Telefoni Feaveai e Fai ai Valaau ma Tali Telefoni i se Sootaga Tau Leitio o Faapipii Atu i se Masini Autu o Telefoni Feaveai (GSM)	ETSI EN 301 511	ETSI EN 301 489-1 ETSI EN 301 489-7	EN 50360: 2001 EN 50361: 2001
Masini Autu mo Telefoni Feaveai & Masini e Toe Faaauau Atu ai Fesootaiga Tau Telefoni Feaveai (ITUIMT- 2000, UTRA ma le EUTRA	ETSI EN 301 908-1 ETSI EN 301 908-3 ETSI EN 301 908-11 ETSI EN 301 908-14 ETSI EN 301 908-15 ETSI EN 301 908-18	ETSI EN 302 489 -1 ETSI EN 301 489 -23	IEC / EN 60950 IEC / EN 60215
Telefoni Feaveai e Fai ai Vilaau ma Tali Telefoni i se Sootaga Tau	ETSI EN 301 908-1 ETSI EN 301 908-2	ETSI EN 301489-1 ETSI EN 301 489-24	EN 50360:2001 EN 50361:2001

Leitio o Faapipii i se Masini Autu o Telefoni Feaveai (ITU IMT-2000, UTRA ma le E-UTRA)			
Masini Autu mo Telefoni Feaveai & Masini e Toe Faaauau Atu ai Fesootaiga Tau Telefoni Feaveai (ITU IMT, LTE)	ETSI EN 301 908-13 ETSI EN 301 908-15 ETSI EN 301 908-21 ETSI EN 301 908-22	ETSI EN 301 489-1	
Telefoni Feaveai e Fai ai Valaau ma Tali Telefoni i se Sootaga Tau Leitio o Faapipii Atu i se Masini Autu o Telefoni Feaveai (ITU IMT, LTE)	ETSI EN 301 908-1 ETSI EN 301 908-2		
PMR (Feaveaiga i le Laualeele)			
Alaleo Uma Tau Leitio o Faaogāina Peau-ea o Malosiaga Ecese, e Faasoasoatu e Tusa ma Manaoga o Tagata e Faaogāina Auaunaga (TETRA)	ETSI EN 303 035-1 ETSI EN 303 035-2	ETSI EN 301 489-1 ETSI EN 301 489-18	IEC / EN 60950
Masini autu o auaunaga tau telefoni feaveai i le lauelele, faatinoga feaveai	ETSI EN 300 086-2 ETSI EN 300 086-1	ETSI EN 301 489-1 ETSI EN 301 489-5	IEC / EB 60950

<p>ma felauaiga ua faia i luga o peau-ea tau leitio i le va o le 30 MHz ma le 1000 MHz faatasi ai ma le tuueseeseina o alaleo o le 12.5 kHz, 20 kHz ma le 25 kHz, o le faamoemoe autu e mo tautalaga i luga o peau-ea televavave.</p>			
<p>Faiga autu o auunaga tau fesootaiga feaveai i le laueleele, faatinoga feaveaia ma felauaiga, e fai i luga o peau-ea tau leitio i le va o le 30 MHz ma le 1000 MHz faatasi ai ma le tuueseeseina o alaleo o le 12.5 kHz, 20 kHz ma le 25 kHz, o le faamoemoe autu e mo tautalaga ma/po o faamatalaga e faaaogāina ai fesuaiga o faailoilo o peau-ea faavaitaimi o aofia ai faamatalaga auina atu po o le leai foi</p>	<p>ETSI EN 300 113-1 ETSI EN 300 113-2 ETSI EN 300 771-2 (tulafono faafoe mo avanoa ma le fefaasoaiga o alaleo e masani ona faaaogā)</p>	<p>ETSI EN 301 489-1 ETSI EN 301 489-5</p>	<p>IEC/EN 60950</p>

<p>Faiga tumau o faailoilo o fusi o peau-ea tau faasalalauga o faamatalaga auina atu mo le faaaogāina i auunaga tau feaveaiga i le laueleele, e faaaogāina ai peau-ea o lo o avanoa, lea o lo o faatinoina i luga o peau-ea televavave tau leitio i le va o le 30 MHz ma le 1000 MHz, faatasi ai ma le tuueseeseina o alaleo 12.5 kHz, 20 kHz ma le 25 kHz ua fuafuaina mo le tuuina atu o ni faamatalaga e le o ni tautalaga (aemaise lava, le tuuina atu o faailoilo e faaaogā e amatalia ai se tali maoti i le tagata o lo o ia taliaina)</p>	<p>ETSI EN 300 219 -2 ETSI EN 300 219 – 1</p>	<p>ETSI EN 301 489-1 ETSI EN 301 489-5</p>	<p>IEC/EN 60950</p>
<p>Meafaigaluega e i ai sona anetena tāua, e faaaogā i angle modulation systems i auunaga tau feaveaiga i le laueleele, lea o lo</p>	<p>ETSI EN 300 296-2 ETSI EN 300 296-1</p>	<p>ETSI EN 301 489-1 ETSI EN 301 489-5</p>	<p>IEC/EN 60950</p>

<p>o faatinoina i luga o peau-ea tau leitio i le va o le 30 MHz ma le 1000 MHz, faatasi ai ma le tuueseeseina o alaleo 12.5 kHz, 20 kHz ma le 25 kHz, ma ua fuafuaina faapitoa mo tautalaga i luga o peau-ea.</p>			
<p>Constant envelope angle modulation systems mo le faaaogāina i le auaunaga tau feaveaiga i le ea, ua faaaogāina ai le peau-ea o avanoa i ai, ua faatinoina i luga o peau-ea televavave tau leitio i le va o le 30 MHz ma 1000 MHz, faatasi ai ma ona alaleo ua tuueseeseina o le 12.5 kHz, 20 kHz ma le 25 kHz ua fuafuaina mo le faasalalauina o iunite o faamatalaga. E faaaogā i faiga tau peau-ea tau fuainumera ma peau-ea ua tuufaatasia ma meafaigaluega tau leitio</p>	<p>ETSI EN 300 341-2 ETSI EN 300 341-1</p>	<p>ETSI EN 301 489-1 ETSI EN 301 489-5</p>	<p>IEC/EN 60950</p>

<p>faafuainumera lea e faigofie ona feaveaia e lima, e faaaogāina ai se anetena taua ma ua faamoemoe mo le auina atu o faamatalaga ma/po o tautalaga.</p>			
<p>Meafaigaluega o faaaogā i le tuueseeseina o alaleo va-iti (CSP) (e itiiti ifo i lo le 10 kHz faataitaiga: 6.25 kHz), o lo o faagaioia i luga o peau-ea tau leitio i le va o le 30 MHz ma le 3000 MHz, ma ua faamoemoe mo tautalaga ma/po o faamatalaga.</p>	<p>ETSI EN 301 166-2 ETSI EN 301 166-1</p>	<p>ETSI EN 301 489-1 ETSI EN 301 489-5</p>	<p>IEC / EN 60950</p>
<p>Meafaigaluega o faaaogāina ai faiga tumau pe leai foi o faailoilo o fusi o peau-ea tau faasalalauga o faamatalaga auina atu, o lo o faagaioia i luga o peau-ea tau leitio i le va o le 30 MHz ma le 3000 MHz, faatasi ai ma le tuueseeseina o alaleo o le 25 kHz, 50 kHz, 100 kHz ma le 150 kHz.</p>	<p>ETSI EN 302 561</p>	<p>ETSI EN 301 489-1 ETSI EN 301 489-5</p>	<p>IEC / EN 60950</p>

Valaauga i telefoni ualesi feaveai i nofoaga o galuega	ETSI EN 300 224-2	ETSI EN 301 489-2	IEC / EN 60950
Masini e Faaogā ai Peau-ea Tau Faasalalauga i Nofoga Lata Mai			
Masini e Faaogā ai Peau-ea Tau Faasalalauga i Nofoga Lata Mai, e amata mai le malosi i le 9 kHz – 25 MHz ma faiga faaeletoroni e faaoo atu ai faailoilo i mea faalogo e lē lagonaina ai leo o faalavelaveina e i le va o le 9 kHz – 30 MHz le malosi	ETSI EN 300 330-1 ETSI EN 300 330-2	ETSI EN 301 489-1 ETSI EN 301 489-3	IEC / EN 60950
Masini e Faaogā ai Peau-ea Tau Faasalalauga i Nofoga Lata Mai, i le malosi e 25 MHz e oo atu i le 1000 MHz faatasi ai ma le maualuga e oo i ai le malosi faaeletise o le 500mW	ETSI EN 300 220-1 ETSI EN 300 220-2	ETSI EN 301 489-1 ETSI EN 301 489-3	IEC / EN 60950
Masini e Faaogā ai Peau-ea Tau Faasalalauga i Nofoga Lata Mai i le malosi o peau-ea mai le 1 GHz i le 40 GHz	ETSI EN 300 440-1 ETSI EN 300 440-2	ETSI EN 301 489-1 ETSI EN 301 489-3	IEC / EN 60950

Masini tau fesootaiga i leitio e faatulai mai ai fusi o alaleo e lautele ona faaaogāina ai faailoilo o peau-ea i se nofoaga autu, e faagaoioia i le fusi o alaleo i le malosi e 2.4 GHz (ISM)	ETSI EN 300 328	ETSI EN 301 489-1 ETSI EN 301 489-17	IEC / EN 60950
Faatinoga Tulaga Maualuga RLAN (5 GHz)	ETSI EN 301 893	ETSI EN 301 489-1 ETSI EN 301 489-17	IEC / EN 60950
Masini faaleoteleleo e leai ni uaea e faagaoioia i le malosi mai le 25 MHz i le 3 GHz	ETSI EN 300 422-1 ETSI EN 300 422-2	ETSI EN 301 489-1 ETSI EN 301 489-9	IEC / EN 60950
Gataifale			
EPIRB (121.5 MHz ma le 243 MHz)	ETSI EN 300 152-2 ETSI EN 300 152-3 AS/NZS 4330	IEC/ EN 60945	IEC / EN 60945
Suega e le Tagata o Nofoaga o Pole Faailoilo - PLB (406 MHz)	COSPAS-SARSAT Pepa Aloaia:- C/S T.001 Faamatalaga faapitoa mo COSPAS-SARSAT 406 MHz Pole Faailoilo i Taimi o le Afatia. C/S T.007 COSPASSARSAT 406 MHz		IEC / EN 60945

	<p>Tulaga Aloaia o le Faamaoniga o le Tausisia o Aiaiga i Taimi o le Afatia. C/S G.005 COSPASSAR SAT Taiala i le Numera Faapitoa Faalilolilo i le 406 MHz Resitalaina ma le Faamaoniga o Tulaga o le Tausisia. AS/NZS 4280.2</p>		
<p>MF / HF Uaealesi e talia ma auina atu ai feau tau fesootaiga</p>	<p>ETSI EN 300 373-1 ETSI EN 300 373-2 AS/NZS 4582</p>	<p>IEC/ EN 60945 ETSI EN 843-1 ETSI EN 843-5</p>	<p>IEC / EN 60945</p>
<p>VHF Masini Uaealesi e Talia ma Auina Atua ai Feau Tau Fesootaiga e Avea ma Masini Autu mo Fesootaiga i le Gataifale GMDSS</p>	<p>EN 301 929-2 AS/NZS 4415</p>	<p>IEC/ EN 60945 ETSI EN 843-1</p>	<p>IEC / EN 60945</p>
<p>Meafaigaluega tau leitio telefoni feaveai VHF O i ai faatasi ma le vaega e taulimaina ai ua</p>	<p>ETSI EN 302 885-2 ETSI EN 302 885-3 AS/NZS 4415</p>	<p>IEC/ EN 60945 ETSI EN 843-1 ETSI EN 843-2</p>	<p>IEC / EN 60945</p>

tuufaatasia o le Vasega D DSC ua faatulagaina			
Masini uaealesi UHF e talia ma auina atu ai feau tau fesootaiga i luga o vaa	ETSI EN 300 720-2	IEC/ EN 60945 ETSI EN 843-1	IEC / EN 60945
Satelite			
Fusi o alaleo faasalalau VSAT 11/12/14 GHz	ETSI EN 301 428	ETSI EN 301 489-12	IEC / EN 60950
Fusi o alaleo VSAT 4/6 GHz	ETSI EN 301 443	ETSI EN 301 489-12	IEC / EN 60950
Nofoaga tumau			
Meafaigaluega ma anetena mai le tasi nofoaga i le isi	ETSI EN 302 217-2-2 (faaaogā i fusi o alaleo faasalalau pe afai e i ai se sootaga ua tuufaatasia i se fuafuaga tau sootaga) ETSI EN 302 217-3 EN 302 217-4-2	ETSI EN 301 489-4	IEC / EN 60950
Fesootaiga Tau le Tagata Lava Ia			
Fusi o Alaleo Faasalalau Tau Leitio mo Tagatanuu HF (26 MHz)	AS/NZS 4355		IEC / EN 60950
Faasalalauga			
Masini e auina atu ai feau i faasalalauga i le Alaleo o le FM	ETSI EN 302 018-1 ETSI EN 302 018-2	ETSI EN 301 489-11	IEC / EN 60950

Masini e auina atu ai feau faasalalau i le TV i faailoilo o peau-ea faaauau ma faailoilo i fuainumera o peau-ea fesuisui i tulaga faatusatusa	ETSI EN 302 296-1 ETSI EN 302 296-2 (DVB-T) ETSI EN 302 297 (Analogue) ETSI EN 302 755 (DVB-T2) / ETSI EN 302 744 (DVB-T2) tulaga aloaia ua faataatitia	ETSI EN 301 489-14	IEC / EN 60950
---	---	-----------------------	-------------------

**FAAMATALAGA 2:
FAALAPOTOPOTOGA TAU
FAAMAONIGA UA ALOAIA**

Atunuu po o Itulagi	Faalapotopotoga tau faamaoniga ua aloaia
Ausetalia	Pulega o Fesootaiga ma Faasalalauga a Ausetalia
Saina	Pulega ma Faamaoniga ma Tulaga Aloaia a Saina
Taipei i Saina	Ofisa o Tulaga Aloaia, Fua Eseese ma Asiasiga
Iuni a Europa	Iuni a Europa o le Tausisia o Tulaga Aloaia
Hong Kong	Ofisa o le Pulega o Fesootaiga
Iapani	Fono a Faalapotopotoga o Galuega Fesoasoani Tau Faafoega o Tulaga Faalavelaveina e Meafaigaluega Tau Faamatalaga ma Tekonolosi a Iapani
Meleisia	Komisi o Fesootaiga ma Vaega Eseese Tau Faasalalauga a Meleisia
Niu Sila	Matagaluega o Pisinisi, Metotia Fou ma Galuega
Sigapoa	Pulega Tau Atinae o Faamatalaga ma Fesootaiga
Korea i Saute	Komisi o Fesootaiga a Korea
Amerika	Komisi o Fesootaiga a le Malo
